

Kalaallit Nunaanni sivisuumik suliffissaaleqisut ornittagassaannik pilersitsisoqarnissaa siunertaralugu periarfissamik iluaqutaanik aamma ajoqutaanik misissuisoqarnissaannik ukiakkut 2020 saqqummiussaqaasat Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens NapãtôK´, Partii Naleraq)

Akissuteqaat

(Aatsitassanut Suliffeqarnermullu Naalackersuisoq)

Siullermeerneqarnera

Aallarniutigalugu Inatsisartunut ilaasortaq, Jens NapãtôK´ Partii Naleraq-meersoq, aalajangiiffigisassatut siunnersuutaanut Naalackersuisut sinnerlugit qutsavigaara.

Oqaatigisinnaavara Majoriamik pilersitsineq, suliffissaqartitsineq annertunerulersinniarlugu aammalu suliffissanut, ilitsersuinernut pikkorissaqqinnernullu suliaasaqarfimmi ”iserfissap ataasiinnaanissaanut politikkeqarnerup” qulakkeernissaanut, Naalackersuisut periusissiaanni suliniuterpasuit ilagigaat. Taamaalillutik suliffissaaleqisut inuusuttullu, sulii suliffeqalersimangitsut, qanoq iliorlutik suliffeqalerlutik ingerlaqqissinnaanissaminnut aammalu suliffeqalernissaminnut imaluunniit suliffeqaleqqinnissaminnut sapinngisamik pitsaanerpaamik maannakkut pilersaarusiorsinnaalerput. Sivisuumik suliffeqarsimangitsut aammalu suliffeqanngitsut allat tamaasa suliffeqalerlutik eqeersimaartumik inuuneqalernissaannut ikiuunnissaq, tapersersuinissaq kajumissuseqalersitsiniarnissarlu, Majoriap suliaasaraa.

Piginnaangorsaaqqinnermik suliaqarnerup annertusarneqarneranut atatillugu Inatsisartut Majoriami atorfinitsitsinissanut 2017-imut Aningaasanut inatsimmi immikkut aningaasaliissuteqartoqarpoq. Taanna ilaatigut tassaavoq najoqqutassiaq nutaaq, inuit siusinaartumik soraarnerussutisiaqalernissaannut aammalu sivisuumik suliffeqarsimangitsut piginnaangorsaaqqillutik sulisinnaassuseqarnerisa nalilersorneqarsinnaanissaannut suliniutitut atornerqartussa. Najoqqutassiaq inuit siusinaartumik soraarnerussutisiaqareersut, kisianni aamma siusinaartumik soraarnerussutisiaqalernissamut qinnuteqartut aammalu sivisuumik suliffeqarsimangitsut ilitsersorneqartarnerannut kajumissuseqalersinniarnernullu iluaqutaassaaq.

Pingaarnertigut sivisuumik suliffeqarsimangitsut tamarmik, piginnaangorsaaqqinnissamik neqeroorfigineqarsinnaanissaat imaluunniit ilinnialernissamut imaluunniit suliffeqalernissamut allatut ilusilimmik siunnerfilimmik aqqutissiuunneqarnissaat siunertaralugu, paasinarsitsiniarluni ingerlatani peqataanissamut (assersuutigalugu aqqutissiuussinermi aamma kajumissuseqalersitsiniarnermi) neqeroorfigineqartariaqaralarput. Eqeersimaartumik suliffissaqartitsiniarnermi politikkeqarnerup, suliffissaqartitsinerup annertusiartorneranik

aammalu suliffissaaleqisut ikiliartornerannik malitseqartup, sulissutiginnissaa Naalakkersuisut suli kissaatigaat.

Naammassisassanut isumaqatigiissutit ukiumoortumik kommunit aamma Naalakkersuisut akornanni isumaqatigiissutigineqartut naapertorlugit Majoriap ingerlannissaa kommunit suliassaraat akisussaaffigalugulu. Majoriap suliffissaaleqisunut aqutissiuussinissamik tapersersuinissamillu neqeroorutaannut tapertassatut suliniutinik ineriartortitsinissaq kommunip kissaatigippagu, Majoriap ingerlanneqarnera pillugu angusassanut isumaqatigiissutip isumaqatiginninniutigineqarneranut atatillugu aningaasassanik qinnuteqarnissamut periarfissaqarpoq. Aamma tamanna atuuppoq Kommunip suliniutinik ineriartortitsinissaq kissaatigippagu, tassani innuttaasut imaluunniit suliffissaaleqisut ataatsimoortut nammineq kajumissutsiminnik kommuni peqatigalugu neqeroorummik, sivisuumik suliffeqarsimannigtsut ilinnialernissaannut imaluunniit suliffeqalernissaannut iluaqutaasussamik tapersiisussamillu pilersitsiniarunik.

Ilisimatitsissutit oqaatigisinnaavara Naalakkersuisut Naalakkersuisoqarfiit akimorlugit suliniutit pingaartikkaat: Imminut pilersornerulernissaq, ilaatigut amerlanerusut suliffeqalernissaannik qulakkeerisussaq, aammalu imminut pilersornissamut kajumissaataasut annertusarneqassallutik.

Naalakkersuisut taamaalillutik isumaqarput, sivisuumik suliffeqarsimannigtsunut neqerooruteqarnissaq pisussaaffiliinissarlu qulakkeerniarlugit Majoriami neqeroorutininik ingerlasoqareersoq, taamatullu neqeroorutininik suli suliffissaaleqisunut neqeroorutigineqartalinnigtsunik ineriartortitsinissamut tapiiffigineqarnissamut kommunit arlalinnik periarfissaqartut. Majoriami suliassat ilaatigut tassaapput, innuttaasunut suliffeqanngitsunut sulisussarsiortunut innersuussinissaq, suliffeqalernissamut piareersimasunut piginnaanngorsaalluni pikkorissaanernik (Ilinniagaqarsimannigtsunut Piginnaanngorsaaqqinneq) neqerooruteqarnissaq, ilinnialernissamut suliffeqalernissamullu aqutissiuussinissaq, iliuusissanut pilersaarutininik suliaqarnissaq aammalu iliuusissanut pilersaarutaareersunik malinnaanissaq – ilanngullugit innuttaasut ataasiakkaat suliffissarsisinnaanerulernissaannut ilinniarnissamullu qanillattornissaannut ikiorniarlugit suut pisariaqarnersut pillugit innuttaasunik oqaloqateqarnerit. Tamatuma saniatigut Majoriaq suliffissaaleqisunut najukkami neqeroorutininut illoqarfimmini ingerlanneqartunut, innersuussisarpoq.

Innuttaasut suliffeqanngitsut suliffeqalernissamut imaluunniit ilinnialernissamut sutigorpiaq sapinngisamik pitsaanerpaamik tapersersorneqassanersut, kajumissuseqalersinneqassanersut aqutissiuunneqassanersullu nalornissutigineqassanngitsoq, Naalakkersuisut kissaatigaat. Siunertamut tassunga ulloq 1. januar 2016 aallarnerfigalugu atuutilersumik nunarput tamakkerlugu Majoriaq pilersinneqarpoq.

Naalakkersuisut sammisassat ingerlareersut isumaliutersuutigeqqissaassavaat, kisianni Majoriami suliffissaaleqisut suliffeqalerlutik imaluunniit ilinnialerlutik eqeersimaartumik inuuneqalernissaannut aqutissiuussilluni tapersersuillunilu pitsaasumik pikkorissuseqarlunilu sulisoqartoq, Naalakkersuisut isumaqarluinnarput.

2018-imi Ukiaanerani Ataatsimeersuaarnermi Inatsisartut suliakkiinerisigut Majoriaq maannakkorpiaq naliliiffigineqaleruttarpoq. Inereri ataatsimiinnerup matuma ingerlanerani

saqqummiunneqassapput, aammalu sivilisuumik suliffeqarsimanngitsut, immikkut suliniuteqarfigineqarnissamik pisariaqartitsisut, tapersersorniarlugit, naliliineq suliniutissanik aalajangersimasunik kinguneqassasoq naatsorsuutigineqarpoq.

Siuliani suliniutit tigussaasut aallartinneqareernerat toqqammavigalugu siunnersuut itigartinneqassasoq Naalackersuisut inassutigaat.